

П14 +  
26921

# БАТЬЛОН


БОРИС ПАЛКИН

ММУ

С  
П 14

БОРИС ПАЛКИН


# БАТЬЛОН



МУ

Кывбурвяс

26921



БИБЛИОТЕКА  
Респ. Краев. Музея  
Коми АССР  
город Сыктывкар.

КОМИ КНИЖНОЙ ИЗДАТЕЛЬСТВО

Сыктывкар 1961

## А В Т О Р   Й Ы Л Ы С Ъ

*Борис Палкин — том коми поэт. Чужліс сійö 1930 воын Удорскöй районса Усть-Вачерга сиктын. Кывбуръяс гижны заводитіс школаын велöдчигöн на. Первойя гижöдъясас нин сійö кужліс мичаа серпасавны олöмысь вöвлöмторъяссö. 1955 воын Б. Палкин помаліс Москваын А. М. Горький нима Литературнöй институт. Оні сійö уджалö Косланын, «Виль туйöд» газет редакцияын секретарöн.*

*«Батьлön му» — поэтлön медводдза сборник. Миян Рöдина, сöветскöй йöзлön удж, том йöзлön мöвпъяс да көсйöмъяс — со темаыс Б. Палкин кывбуръяслön. Сійö рад*

*Чож сьыланкывйöн петны ас му весьтö,  
Отчизна-мамлы сины медбур дум.*

Кузь козйö, тэ мойдъяссö дедлысь  
 Дзик быттьöкö висьтавлан пыр,  
 Кор тэнад лыс костьясöд ветлö  
 Төв надзöник, шушкөдчигтыр.

И көсийыссьö, көсийыссьö сэки,  
 Мый сөстөмыс сьөлөмын эм,  
 Кузь козйö, мем юксыны тэкөд,  
 И йöзыс мед кывзисны нэм.

## ОТЧИЗНА ВЕСЬТӨД

Мем кажитчис, кор сувтис асыв тайё,  
Судьбаёй дзирдыштис, кызд шондилён яр би.  
Отчизна весьтөд, веськыда Москваё  
Сэк лэбзи ме — лөз войвывса том пи.

А лэбзигкості менам синъяс улын  
Эз прөста вежласьны то вөр, то видз,  
Став чужөмбаныс петкөдчис ас мулөн,  
Кызд аддзывлытөм, шензьөдана висьт.

Көн коркө сөмын кургылісны таръяс  
Да зумышвидзис-сулаліс сьөд вөр,  
Сэн өні гөгөр кыпөдчөмны каръяс,  
Кык пельө көрт туй вундө парма шөр.

Кызд висьтавыны мем ассьым би-пось радлун?  
Өд первойысь на тыдовтчис Москва!  
Кор сійөс аддзан — быдөн чуйман-падман,  
Сы водзын кельдө менам быд строка.

Кремлёвскөй кодзувъяс сэн алөй биөн  
Пыр ломзьөны, оз пемдыв налөн свет.  
И менам пармаёй тшөтш югдіс сійөн,  
Мый йылысь мөвпыштны эз кужлыв Фет.

Поэтъяслөн став шыа дружнөй хорын  
Тшөтш коми йөзлөн — кыпид, мича тон.  
И ме со сьывны босьтчи мыла горөн,  
Поэзиякөд йитчи парма зон.

И көсйысьсьө мем талунсянь нин прөстө,  
Мед нөшта шуда вөліс локтан лун,  
Чож сьыланкывйөн петны ас му весьтө,  
Отчизна-мамлы сины медбур дум.

## ЫДЖЫД ПРИМЕР

Разруха кадлысь шуштӧм сер  
Эз гажӧд весиг майскӧй шонді.  
Сэк Ленин пельпом вылас кер  
Ас ёртъясыскӧд нуны пондіс.

И пыр жӧ мыйкӧ сэтшӧмтор  
Сы бӧрся вӧчны босьтчис йӧзыс,  
И некод сыысь дон эз кор,  
А сьӧлӧм ставлӧн яра ӧзйис.

И тайӧ уджсьыс мулӧн бан,  
Кызд мойдын, ӧдйӧ вӧлі ловзьӧ.  
И ӧнӧдз миян пӧвстын тан  
Примерыс тайӧ би моз ломзьӧ.

\* \* \*

Эськө вермис кӧ, сідз шуис  
Гӧрд Октябрлы Первомай:  
— Медся славнӧй тӧнад туйыс,  
Но сэн эм и менам пай.

Тэысь водэджык на гӧрд флагӧн  
Нулі ме шуд вӧсна кось.  
Гуся митинг вӧчлі ягын,  
Бӧрйӧм туй вылысь эг кос.

И сэк эськӧ вочавидзис  
Первомайлы гӧрд Октябрь:  
— Збыльысь тышкасьлін тэ сідзи,  
Некор выныд эз вӧв слаб.

Сы вӧсна и медбур другӧн  
Тэнӧ лыддя ӧні ме.  
Нӧшта яра ассьыд югӧр  
Став мир пасьта сявкйы тэ!

## ЧУЖАН СИКТ

Кытчö сөмын оз кыскыв том сьөлөм,  
Кор сэн ворсөдчө-пуо пось вир.  
И коть ме ыджыд карьясын вөвлі,  
Чужан сикт дорө муслун эз быр.

Чужан сикт, менсьым шонтан тэ сьөлөм,  
Ставнад мусмин тэ ичөтсянь мем.  
Тшөтшкөс ыбьястө чукльось ю пөлөн,  
Чужан сикт, кута радейтны нэм.

Карөд прөйдитны лөсьыд и долыд,  
Быдтор вылө сэн любуйтчө син.  
Но и сиктын пыр кокняммө лолыд,  
Кор сэсь аддзан выль кыпөдчысь вын.

Сиктө локтөны велөдчөм том йөз,  
И ме эска, мый тэ, чужан сикт,  
Регыд ставнасөн мичамман-томман,  
Лоас бан тэнад мөд кодьөн дзик.

Чужан сикт, менсьым шонтан тэ сьөлөм,  
Ставнад мусмин тэ ичөтсянь мем.  
Тшөтшкөс ыбьястө чукльось ю пөлөн,  
Чужан сикт, кута радейтны нэм.

## БАТЬЛӨН МУ

Кор локта чужан муо, гортө,  
Быд ичөт ув, быд изтор сән  
Ме вылө ловъя моз жө дзоргө  
Да мыйкө шуны көсийө мен.

Сән мекөд ичөтысянь йитчис  
Сөдз ваа Вашкалөн быд войт,  
И тувсов дзоридэлөн яр мичыс,  
И парма-вөрлөн помтөм мойд.

Но медся мусаён мем овлө  
Лым улысь мыччысьөм съөд му,  
Кор сийө шондї водзын ловзьө,  
Сы пытшкысь сувтсөн кайө ру.

Мем тайө муыс казътө батыс —  
Дас гожөм сийө и дас төв  
Колхозын вөліс председатель,  
Көть ыджыд грамота эз вөв.

И меным норасьлывліс сийө,  
Кор локтас праздник — Первомай:  
— Речь гижны сям оз тырмы, пиө...  
Но ыбьяс вылын урожай

Сы воө лэптысьлывліс джуджыд,  
Ег турун эз и быдмыв сән.  
Быд тусь мед муо воис, чужис,  
Бать нуліс сы вөсна ён вен.

Сы тшөктөм серти кӱдзанинын  
Ме стӱрӱжитли уна лун.  
А кӱдзысь долис:— Мый ме дӱнын  
Тӱ олан? Ворсны, зонмӱй, мун...

Но ме сӱк вӱли пионерӱн  
И тӱди: мунны мем оз позь...  
И ыджыд нимӱн — контролӱрӱн —  
Сӱк менӱ шулис став колхоз.

А кутшӱм гажа вӱвлис арын,  
Кор пансяс урожайнӱй пир!  
Бать сӱни лолис кыпыд, варов,  
Бан бокас чепӱсийлис вир,

Быд аньӱс шулис сьӱлӱмшӱрӱн  
Да кутлис сывӱӱн...  
Менам мам  
Сы вылӱ видзӱдывливлис скӱра  
(Сӱн тӱдчис вежӱктӱмлӱн сям).

Но бать эз лӱкысь вӱчыв тайӱс,  
Сидз прӱстӱ йӱзкӱд вӱли шань.  
Бур уджысь сывъявливливлис найӱс,  
Код видзӱ скӱт да быдтӱ нянь.

И быдтор мунис сӱки ладӱн  
Да чайтсис: оз во шудлы пом...  
Но другысь Гитлер тайӱ кадӱ  
Ми вылӱ жергӱдис пез вом.

И ӱнӱдз кывлӱ тайӱ грӱзыс  
Йӱз сьӱлӱм пытшкын, быттьӱ дой.  
Тыш вылӱ мунис медбур йӱзыс,  
Кыдз менам бать, строй бӱрся строй.

Но век жö тан эз сувтлы олöм:  
Быд пöрысь пöль и дзоля пи,  
Кыдз быттö вынаджыкöсь лолим,  
Лун-лун удж вылын мырсим ми.

А сиктса вузасьысь том нылöс,  
Код новлис коммунистлысь ним,  
Йöз бöрйис предö, выль удж вылö.  
Мöд мортлы сетны магазин

Сэк, гашкö, нывлы эз вöв муса,  
Но сийö паныд кыв эз шу:  
Партиец асьыс честь оз вузав,  
Кöть кутшöм сьöкылун оз су.

Пöсь сьölöм бердын коммунистлөн  
Меддонатор — гöрд книжка эм.  
Оз вермы лёктор сэтчö письтны,  
Пыр сийö сöстöм овлö нэм.

Но кодыр нылыд босьтис предлысь  
Ас пельпом вылас сьöкыд груз,  
Дзик сыысь синва сылөн петлис,  
Мый уджсö вöчны эз на куж.

А тайö синва эз вöв омöль,  
Сэн тöдчис ыджыд тöждлун пас.  
Йöз сэтшöм мортлы эскö помöдз  
И быд здук отсөг сетны дась.

Сидз сэсса нывлөн шөгсян думыс  
Йöз динын чинис лунысь-лун,  
И яра ворсны кутис нюмыс,  
Кор воис уджас кужöмлун...

Ме тайё ставсё бательы гижи,  
И сылы менам юёртор  
Фронт вылын сёлөмөдзыс йиджис:  
Од сийё радейтліс ас горт.

А, гашкё, сы вёсна и сийё,  
Мый быд морт вөлі тан герой,  
Пыр повтөг суйсьыліс тыш-биё,  
Эз дрөгнит некор сылөн сой.

Но өтчид, кор нин вөлі матын  
Победа лунлөн торжество,  
Нэм кежлө сёлөм ланьтіс бательн,  
И некор, некор нин оз во

Бөр сийё аслас муса сиктас,  
Көн сылы уджыс вайліс шуд;  
И мый ме, пиыс, гига стихъяс,  
Та йылысь төдны оз жё кут...

Коть лоис тадз, но эз, эз ставнас  
Ас чужан сиктсьыс торъяв бать.  
Сы олөм йылысь югыд слава  
Йёз пөвстын некор дзик оз ланьт.

И мелі шыён ыбъяс вылын  
Рытсёрөдз вашкөдчывлө сю,  
Кыз быттьө казтьө шыыс сылөн,  
Мый тайё менам бательн му.

Вот мыйла, кор ме локта гортө,  
Быд ичөт ув, быд изтор сэн  
Ме вылө ловъя моз жё дзоргө  
Да мыйкө шуны көсийё мен.

\* \* \*

Мамлөн синваыс, шуоны, матын...  
Эг кө быдмыв войнадырся кадын,  
Гашкө, татшөмтор некор эг төдлы  
И эг куж сійос висътавны мөдлы.  
Татчө кывсис кор батьөлөн усьөм,  
Мамө войбыдйөн бөрдлывліс гусьөн.  
Меным кажитчис, быттьөкө мамлөн  
Синва киссьө и киссьө, оз ямлы.  
Көть сэк ичөтось вөлім на воккөд,  
Зілим лөньөдны мамнымлысь шөгсө,  
Кыззи сөмын ми сяммылім-кужим.  
И пыр вочасөн мамнымлөн чужөм  
Кутіс гажмыны, ставнасөн югдіс...  
Но көть мам миян шөгсьөмысь дугдіс,  
Эз, эз вош сылөн сьөлөмысь дойыс.  
Мыйкө муртса кө миянкөд лоас:  
Йөвсянь омөльтор кывлас ми йылысь,  
Либө дурам, ог кывзысьөй сылысь,—  
Мамлы пыр тайө сьөлөмас инмө,  
Зэр моз синъяссьыс резыштө синва,  
Быттьө помнитсьө усьөмыс батьөлөн...  
Збыльысь синваыс мамъяслөн матын.

\* \* \*

Кутшөмджык тэнад сямид,  
Мыйся тэ быдман морт,—  
Медбура төдө мамыд,  
Быдөнысь матыс ёрт.

Төдө, но мисьтөм кывйөн  
Некор оз тэнө дойд.  
Сөмын кор лёктор кывлас,  
Чышкыштас синва войт.

Сэки кө сылы шуан:  
— Мам, сэсся тадз ог кут...—  
Морөсас небыд руөн  
Поздысьö гуся шуд.

Сидз сийö пöся эскö,  
Весиг кор вайлан шог.  
Абу öд сылы веськодъ,  
Кöсийö, мед эн ло лёк.

\* \* \*

Кор война вылө мөдөдчис баты,  
Менө пуксьөдіс орчөн ас дінас.  
— Кывзы мамтө,— мем кыв шуис тадз,  
Сэссия топыда сывъяліс кинас.

Одзөс дорөдз көть сөмын кык шаг,  
Сійө дыр сэтчөдз ньөжйөник муніс.  
Чужан гортсө и веж парма яг —  
Ставсө ковмис өд сьөлөмас нуны.

## МИЯН ТУЙ

Туй миян — вермөмъясөн тыр,  
Ми венам дзик быд грөз  
Да повтөг водзё тувччам пыр,  
Советской дружной йёз.

Дас нель державакөд война —  
Эв сьёкыд вөлі кад.  
Но Первой Коннойон страна,  
Кыз бушков, төвзис тат.

А первой стройка пансис кор,  
Йёз шойчөгсө эз төд.  
Сэк чужис миян вына борд —  
Стахановской збой өд.

И миян төдса сэтшөм кось,  
Кор сувтлім, кыз стена:  
— Оз, ёртыяс, бөрыньтчыны позь —  
Өд мыш сайын Москва!

А өні миян йёзлөн ки  
Мый сөмын и оз кер!  
Дзор Төлысь вылөдз лэптім ми  
Отчизнанымлысь герб.

Туй миян — вермөмъясөн тыр,  
Ми венам дзик быд грөз  
Да повтөг водзё тувччам пыр,  
Советской дружной йёз.

## ВЫЛЬ ВОО ВУДЖИГОН

Тайо здукъясö сёрни  
Дзик быд керкаын ланьтас,  
Сöмын кутасны кывны  
Сэк кремлёвскöй курантьяс.

И ас чужан му пасьта,  
Быттьö öти семьяын,  
Топыд дружескöй кытшön  
Сувтам пызантьяс сайын.

Мича думъясөн босьтчö  
Сьölöм пессьыны-пуны.  
Ёрта-ёртнымлы көсьям  
Мыйкö ыджыдтор шуны.

Дас кык төлысь öд колис...  
Мый оз овлы сы кадön?!  
Мыйта войтыр сэк уджнас  
Лоис медбур йöз радын!


А кыз олöмыс мунö —  
Лунысь лунö пыр öддзö.  
Сылön му вежан серыс  
Тан быд пельöсын төдчö.

Öнi быдönсянь колö  
Уджö крепыда босьтчöм...  
Вот ми сы вöсна талун  
Лэнтам выль вося тостсö.

## ПУШКИНЛЫ ПАМЯТНИК

Дзик быттьö ловъя сувтöма сэн сійö:  
Мыш саяс борд моз павкнитчöма плащ,  
Збой сьöлöмыслысь тiпкöм кывзö кинас,  
А чужöм вылас öттшöтш шог и гаж.

Кöть воан кысь, кöть кутшöм кывъя морт тэ,  
Сы дортi некор сувтлытöг он мун.  
Тэд сійö лоис медся муса ёртөн,  
Бур кыв поэтлөн нэмъяс чöж оз вун.



176921

## ОТИ ЁРТЛЫ

Верман тэ пармаысь черён  
Пөрөдны сывтыръя пу,  
Йи улысь тывъявны чери,  
Гугөдны пласътвидзысь му.

Ичөтсянь сьёкыдысь повны  
Некор эз куж тэнад ки.  
Батьяслысь сідзисö овны  
Быдөн тан велөдчам ми.

## КОММУНИСТ-ВЕТЕРАН

Бансö гижтöны сылысь  
Джуджыд чукуръяс-визьяс,  
Важ, но висьлывлысь рана  
Сылөн телöас эм.  
Но оз пöрысьлун йылысь  
Сийö йöзыслы висьтав,  
Грöзнöй вояскöд йитлö  
Ассьыс ярьюгыд нэм.

Лöня кывзöны йöзыс  
Би-пöсь висьталöм сылысь,  
Ставлы сьöлөмөдз йиджö  
Вына кывъяслөн гор.  
Том морт мөвпыштö сэки  
Кустом подвигыяс йылысь,  
Нэм чöж уджавны, овны  
Кöсийö верстьö и дзор.

\* \* \*

Тайö лөнъ мича рытö  
Кыа пöртмасис дыр.  
Меным кажитчис, быттö  
Ывла шудлунөн тыр.

Но и сэн менам сёлөм  
Лоліс гажтөм да нор,  
Кодыр небыдик, мелі  
Кывсис сьыланкыв гор.

Сывсис сэн, кызди коркö  
Гартчысь юрсна, ён,  
Овліс фабрика дорын  
Ар дас сизима зон.

Кор сы сёлөмын гусьөн  
Ломзис первой любов,—  
Сэтшөм томөн шуд вöсна  
Пуктіс зон ассьыс лов.

И кор аддза ме öні  
Югид кыалысь дзирд,  
Пыр мем кажитчö: сэні  
Öзйö зонлөн сөдз вир.

## ВОКӦ

Арлыд серти менам вокӧй  
Вӧлис ичӧтджык, но ёсь.  
Зургас нем виччысьтӧг бокӧ,  
Сэсса миян пансяс кось.

Чӧв оз овлы вильыш кийс,  
Кӧсийӧ тӧдны менсьым вын.  
Ме кӧ асьсӧ личка сийӧс,  
Кашкӧ, оз шу кыв ни джын.

Дыр ме сийӧс видза муас,  
Мамлы норасьыштас мед.  
— Ог, ог пӧкӧритчы,— шуас,  
Сэсса бара кыв оз сет.

Мамӧ видзӧдлас ми вылӧ,  
Абу бур ни абу лӧк:  
— Коркӧ янсаланнӧд ылӧ —  
Гажтӧмчанныд на кык вок.

И вот ӧнӧ... Мургӧ кӧнӧ  
Войвыв море скӧрысь зӧв,  
Вокӧ вахта вылын сӧнӧ  
Войяс сулавывлӧ чӧв.

Мукӧд дырйи сувтса гыяс  
Кыптылӧны море тыр.  
Шуштӧм, повзӧдчана шыяс  
Сэсянь кывсьылӧны дыр.

Но мем вокö гижлö сідзи,  
Быттьö ставыс сылөн бур,  
Кöть сэн, тöдöмысь, оз ичöt  
Сьöкыдлунъяс венны сюр.

И ме сідзи, ёртъяс, чайта:  
Сьöкыд дырйи менам вок  
Век на, кöнкö, важ моз кайтö:  
— Ог ме пöкöритчы, ог!

## АЧЫД АБУ КӨ ЛЁК...

Менам вок Питирим  
Ичөт дырйиыс шулывліс коркө,  
Быттьө лёк сылөн ним,  
Быттьө йөз водзын сійөс век торкө.

Сэссия лоис тай сідз:  
Усис бать, коді ним сылы сетіс.  
И сэк ытшкыны видз  
Окмыс арөсөн вок менам петіс.

Сэсянь дугдывтөг пыр  
Визув сьөдөмыс удж дінө ярмис.  
Талун копрасигтыр  
Сылөн тракторысь бөрыньтчө парма.

И со вокөлөн ним  
Йөзлөн сёрниын горалө-кылө.  
Питирим, Питирим!—  
Весиг йөлаыс тшөтш быттьө сьылө.

Сідзкө, тэ, муса вок,  
Меным весьшөрө норасьлін коркө...  
Ачyd абу кө лёк,  
Нимыд некор оз мисьтөмты морттө.

## КЫК ГӨГЫЛЬ

Косьмөм додь суюсө лөсны  
Кутіс дедө — и черыс  
Пусьыс вильснитлө бокө...  
Вошлө додь суюлөн серыс.

А өд нинөм эз вошлыв  
Коркө сылөн син улысь,  
Первой сөтыштөм бөрын  
Төдліс веськыдлун пулысь.

Уна пипуысь, козйысь  
Вөчліс пыж кутшөм колө...  
Но көть слабмис дед ёна,—  
Важся төлк сыын олө.

Бара выныштчөм киён  
Черсө лэптылө вывлань.  
Гора сапкөмкөд өттшөтш  
Лов шы укнитлөм кывлө.

А кор додь ставнас эштис,  
Сирөн дед сэтчө гижис  
Ассьыс пассө — кык гөгыль.  
Пыдөдз гижөдыс йиджис.

Дзик жө сэтшөм со гижөд  
Кильчө өдзөсас сылөн...  
Дыр зэв киподтуй дедрөн  
Кутас овны му вылын.

## АС ЙЫЛЫСЬ МЫЙ МЕ ВИСЬТАЛА?

Кад мунны. Ачым полакодъ,  
А мунны колö быть.  
Од райкомол со корöма...  
Бюро сэн талун рыт.

Дзик выльöс, комсомольскöйöс  
Мем сетасны билет.  
Но сыöдз биография  
Сэн юаласны, дерт.

Ас йылысь мый ме висьтала?  
Эг некөн ветлыв-мун.  
Ас гортсянь сöмын школаö  
Ме котравла быд лун.

Од ог жö кут ме казътивны,  
Кыдз босьтчис став отряд  
Да школа гөгөр садитис  
Том пуясысь веж сад;

Кыдз спортплощадка стрöитим  
Крут берег вылö ми,  
Кыдз зарни шепъяс öктигөн  
Эз мудзлы тэрыб ки...

Од ставыс тайö тöдчытöм —  
Быд лунъя, ичöt удж.  
А вöчны мыйкö ыджыдöс  
Эг удит на, эг куж.

А вокъяс-комсомолецъяс  
Мый вöчалöны со:  
Му пытшті найö восьтöны  
Чудесной туй — метро.

И сэн, көн овны позътöмөн  
Йöз лыддылысны му,  
Выль каръяс найö лэптöны  
Да быдтöны бур сю.

Тадз думайтгтыр муні ме,  
И воис райкомол...  
Кызд кужи, сідз и висьталі,  
Эг лишнойторсö доль.

Мем ставөн сэки нюмдісны,  
И сувтіс секретарь  
Да шуис:— Тэнад сьölöмад  
Эм комсомольской жар.

Мед талун тэнад олöмысь  
Зэв ыджыдтор оз сюр,  
Тэ сы йылысь нин мөвпалан,  
А тайö — вывті бур.

## СЕРПАС

Вералö ыбын  
Тувсовъя югөр.  
Веськөдлө зонка  
Тракторной плугон.

Бытьёкө сийö  
Гыа ва вылын,  
Резышталö муон  
Кокьясас сылы.

Сөмын тай кисö  
Сийö оз личод,  
Көть эськө ачыс  
Шег кодь на ичöt.

Кужөмөн, бура  
Бергөдлө рульсö,  
Бөрвылас муыс  
Пласьтнитчö-кульсьö...

Мем тайö серпас  
Сьөлөмөдз йиджис,  
Сы вöсна со и  
Кывбурсö гижи.

\* \* \*

Думышти ме, ёртъяс,  
Куран вѳчны коркѳ,  
Но, а менсьым уджѳс  
Кодкѳ быттѳ торкѳ.

То мем пуыс ягысь  
Пытшкѳс увъя сюрас,  
То оз ладмы пиньыс  
Кураныслѳн юрас.

Кѳть эськѳ нин ставнас  
Курансѳ ме вѳча,  
Век на сѳні мыйкѳ  
Озджык артмы стѳча.

Скѳрма да, пес пыдди  
Шыбитывла биѳ  
Да век вѳча выльѳс...  
И друг артмис сійѳ.

И мем сѳтшѳм нимкодъ  
Сьѳлѳм вылын лоис,  
Быттѳ кужѳмлуныс  
Ачыс кыдзкѳ воис.

## ГОЖСЯ АСЫВ

Чолөм кывсö асывлы  
Ыстіс ывла — аддзылі:  
Варов колип — тельгөмөн,  
Дзирдалысь шор — сельгөмөн,  
Дзодзөг — тшапа гогзьөмөн,  
Шонді — яра ломзьөмөн.

Чолөм кывсö асывлы  
Ыстіс сиктöй — аддзылі:  
Тракторъяслөн гым горөн —  
Пым моторлөн кыв-ворөн,  
Веськыд покос визьясөн  
Туруна веж видзьасын.

Чолөм кывсö асылыс  
Ыстіс йөзлы — аддзылі:  
Мича серпасторъяснас,  
Юркнитлысь збой горъяснас.  
Сьөлөм ставлысь öзйөдіс,  
Страдна уджö ызйөдіс.

— Тода ме, суюй,  
Котъ и он висътав,  
Код тэнсыйд шепъяс  
Зарниысь кисьтис.

Шонді тэд сетис  
Зарнисö тайос.  
Содз васö зэрлысь  
Лун төв тэд вайис.

Эбөслун босьтін  
Матушка-мулысь.  
Збыльтор ме шуи?—  
Юалі сюлысь.

— Төкөтьö, пиö,  
Эдзык вөв тадзи.  
Быдöнысь ёна  
Пессин тэ ачид.

Сьөлөмсыйд посьлун  
Ме пытшкө суйин.  
Морт уджысь быдмө  
Бурторйыс муын.

## ТАЙӨ МОРТСӨ ТӨДІ ПЫР

*Сиа Удорскöй районса Шиляево сиктысь  
садовод-любитель Олег Пигулинлы.*

Тайө мортсө ме öти сиктысь  
Йöзлысь юавтöг төдi пыр.  
Аслас садйыс мем сийöс ликтiс,  
Пашкыр коръяснас öвтчигтыр.

Синмö шыбитчис пуяс дорсьыс  
Муöдз ляпкöдчöм зонлөн юр,  
Кодi быттьö сясь мыйкö корсис,  
Но эз, тыдалö, нинöм сюр.

«Ловья! Дзоньвидза!»— сэсса тадзи  
Вундiс сынöдсö кыпыд гор,  
Кодыр мичаөн-бурөн аддзис  
Зонмыс вöвлытöм быдтастор.

Дзоля яблоня пулөн вужйыс  
Турöб-кöдзыдкöд вензис чöv:  
Сийö терпитiс, сийö вуджис  
Йиа лов шыөн пöльтысь төв.

Чужанiнным öд миян сэтшöм:  
Мукöд гожöмö весиг ид  
Шептö гөрддзасьтöдз кынмö-едждö,  
Кöть тэ кыз сийöс мед он видз.

А вот яблоня пусö тайöс  
Колö лелькуйтны сизим во,  
Медым первойысь плодсö вайис,  
Да и сэк, гашкö, оз на во.

Но зон сёрнитис сідзи, быттьö  
Тайö кутшöмкö дженьыд кад,  
Быттьö сэки жö, сійö рытö  
Став бур рöмъяснас вöччис сад.

## ТУВСОВ РЫТӨ

Шондi дзeбис дон чужом,  
Пырис шойччыны расо.  
Рытиввылын со чужис  
Алөй кыалөн асык.

Колис луныс эз прөста —  
Рытыс гаж вылө корис.  
Би моз сьолөмьяс öзтө  
Кыпыд гудөклөн горыс.

Шорлысь сёрнисө кывзам,  
Вильыш котралө төв көн.  
Тшапа ветлам ми ныв-зон —  
Ю дор розьялө шөвкөн.

Оз быр радлунным мяян,  
Сяммам ветлыны тшапа,  
Ми өд асланым киөн  
Талун сувтөдим запань.

Ноко, панламөй гажсө  
Сидз, мед вөрзылас муыс.  
Асья шондiыс, гашкө,  
Аски пур вылын суас.

## ЛЬОМ ПУ

Льом пу вылө дзоридз  
Лым моз өшөдчывлө,  
И зэв ылөдз сысянь  
Чөскыд дукуыс кывлө.

Но мем льом пу муса  
Абу сөмын сійөн.  
Быдмөм бөрас овлө  
Ыджыд вын сы пиын.

Төв кө кучкас сылы,  
Вөрзьөдчылө муртса,  
Сэсса бара вылын  
Кутө ассъыс юрсө.

\* \* \*

Сьökыд артыштнысö стöча,  
Мыйта буртор шондi вöчö.  
Сылөн югыд, мелi нюмысь  
Сьöd вой бöрын сувтö луныс.  
Сылөн лышкыд югөр улын  
Мый эм ставыс сöвмö мулөн.

Сийö быд лун татчö петö,  
Асьсö ставнас мулы сетö.

\* \* \*

Кымөр сувтис парма весьтө,  
Шензьө-дзоргө:  
Джуджыд пожом яг со эстөн  
Вөвліс коркө.

Дзикөдз вежсьөма, и сійөс  
Он төд өні.  
Гөгөр сәні дзирыд бияс  
Сярвидзөны.

Выль бур керкаяс яг вылө  
Сувталөмны,  
Налөн тыдалө зэв ылө  
Еджыд рөмныс.

Да и кымөрыс тшөтш татчө  
Эз лок кыськө.  
Тайө тшын сән петө-гартчө,  
Овны кыскө.

\* \* \*

Рутшка-ратшкакывны пондіс

Вына кӧдзыд.

Бледмӧм югӧръяссӧ шонді

Бусійӧ-кӧдзӧ.

Кӧч пух пиын потшӧс прасла,

Парма пуяс...

— Шоныд пасьтӧ, другӧ, пасьтав,—

Кодкӧ шуас.

Но кор зіля босьтчан уджӧ,

Оз сот кӧдзыд.

Ыджыд полӧм сійӧ чужтӧ

Сӧмын кӧчлы.

## ВОЙ ТӨВ

Йи кывтөм бөрын вой төв дурис  
И нетшкис, ки улас мый сюрис:  
То жугсө гумла дорысь шердйö,  
То баддьöс кусыньтлö му бердö,  
То кутчысьлас важ керка вевтö,—  
Пыр ёнджыка лёк вынсö зэвтö.  
Но мыйöн сöмын тувсов шондi  
Пось югөр-бисö койны пондiс,  
Скөр вой төв пыр жö ланьтiс сэки:  
Йи моз жö выныс сьлөн чегис.

## БӨР ЛЭБЗЬӨНЫ ЛЭБАЧЬЯС ЫЛӨ

(М. Исаковскийлөн кывбур)

Бөр лэбзьёны лэбачьяс ылө,  
Кузь төв кежлө кольёны горт.  
Жар муясө лэбзьёны найө,  
А кольчча ме тэкөд көть кор.

А кольчча ме тэкөд, ас муой,  
Век тэ дорө йитчөма лов!  
Оз ков меным берег турецкөй  
И Африка меным оз ков.

Эг этша ме аддзыв йөз муяс,  
Винтовкаён тыш нуигтыр.  
И медкурыд шог меным вөліс,  
Кор тэ дорысь янсавлі дыр.

Эг этша ме думыштылыв думьяс  
Ас ёртьяскөд йөз муын сэк.  
И медьёна кывзысьлі тэнө,  
Ме тшөктөмтө вөчлывлі век.

Көть сәні ме нюръясө вөйлі,  
Көть йи вылын кынмавлі мед,  
Но тшөктан кө меным тэ бара,  
Ме бара на прөйдита сэт.

Став көсйөмьяс ассьым и мөвпьяс  
Ме йита дзик тэкөд нэм чөж.

Суровöй да югыд судьбатö  
Ме мöд вылö некор ог веж.

Бөр лэбзьöны лэбачьяс ылö,  
Көн кöдзыд, сэн налы и лёк.  
Жар муясö лэбзьöны найö,  
А лэбны ог кöсйы ме, ог.

А кольчча ме тэкöд, ас муöй,  
Век тэ дорö йитчöма лов.  
Оз ков меным шондi йöз муысь,  
Йöз му меным ньöти оз ков.

## РАДЕЙТЧӨМ ЙЫЛЫСЬ

(А. Твардовскийлӧн поэмасысь)

Кодӧс чукӧстліс война,  
Сэтчӧ быд салдатӧс  
Ӧти радейтана ань  
Коллис коркӧ татысь.

Эз кӧ козин, дӧрӧм-гач  
Тӧчліс аслас киӧн,  
И, кор ылӧ мунан тась,  
Нӧшта мусмас сійӧ.

Кутан помнитны тӧ век  
Колльӧдчана чассӧ,  
Кыз тӧ ылӧ мусук сӧк  
Чӧвтліс видзӧдлассӧ.

Тайӧ видзӧдласас эм  
Радейтчӧмыс помтӧм,  
Сытӧг ылі туйын сэн  
Некызди он ов тӧ.

Сійӧ сьӧлӧм пыткад пыр  
Олӧ медся пыдын,  
Сэтчӧ некод мӧд оз пыр,  
Кужам видзны быдӧн.

Сійӧ ставнас аслад дзик —  
Скромнӧй да меддона.  
Сійӧ ӧти, абу кык,  
Радейтан кор ёна.

Кодос чукостлис война,  
Сэтчө быд салдатос  
Оти радейтана ань  
Коллис коркө татысь.

Медся муса сийө тэд  
Став нывбаба пиысь,  
Мамысь ёнджыка на, дерт,  
Казьтылөны сийос.

Но оз шогсы таысь мам,  
Төдө сылөн сёлөм  
Йоз кост олөмыслысь сям:  
Ачыс коркө мамыд тан  
Гөтырөн жө вөлөм.

Ёртъяс, гөтырлөн любов,  
Коді төдліс сийос,  
Тышын лэптө мортлысь лов,  
Вынаджык тыш-биысь.

Сөмын сылы тэ он кут  
Нинөм паныд шуны.  
Тайө муслун индө шуд  
Тэныд водзлань мунны.

Зепсыд кыскы гижөдтор,  
Лыдды сийос выльысь,  
Сэсса лыддигмозыд, ёрт,  
Думнад кытшовт ассыд горт,  
Төдмав ставсө збыльысь,

Кутшөм ногөн гижлө тэд  
Гөтыр юөрторсө:  
Челядыдлөн, гашкө, сэк  
Кывсьө вензьөм-горзөм;

Либö чушкөдчö уль пес,  
Дыр оз кватит бисö,  
Сэссия гөтырыдлөн сэсь  
Юрыс ёна висьö...

Отнас уджалö öд сэн:  
Дерт жö, ёна мудзас.  
Но сы йылысь гөтыр тэн  
Норасыны мөй кутас?

Гижö гөтырыд кор, сідз  
Чайтлö, мый пöсь кывйыс  
Аддзас тэнö көть мед кыз  
Ловъяөн фронт вывсьыс.

Кутшөм гөтыр он босьт кысь,  
Быдөн бурöсь öнi,  
Ёмаөн көть мукöдыс  
Вöли нималöны.

Серам серамөн, а ме  
Сэтшөмъясöс тöдлi,  
Кодъяс дорын овны мед,  
Тышö бурджык мөдны.

Сэтшөм гөтырлысь лун-лун  
Медым кывны зыксьöм,  
Лучшö тыш-би улö сун,  
Кынөм вылад кыссьы.

Прөйдит-мун атака вит  
Луннас да эн шогсьы...  
Но ме тайöс казытi сідз  
Шутитыштөм могысь.

Ёртъяс, гётырлөн любовь,  
Коді төдліс сійос,  
Тышын лэптө мортлысь лов,  
Вынаджык тыш-биысь.

И ме косья, ёртъяс, тан  
Отитор сідз шуны:  
Радейтчөм али война  
Кузьджык туйсө муніс?

Некор ме ог видзөдыв  
Правда дорысь бокө,  
Муслун йылысь татшөм кыв  
Висьтала сы ногөн:

Мед көть кыз война эз торк.  
Оломсө му вылысь,  
Сыысь ыджыдджык на срок  
Муслун оліс-выліс.

И сы вөсна гижөдтор,  
Ылі гортсыд воас кор,  
Овлө медся дона.  
Гётыр, унсө венігсор,  
Сэтчө гижывлө быдтор,  
Төждысьывлө ёна.

Шуа тиянлы ме тадз,  
Сьөлөмөдз мед йиджө:  
— Муса ёртъяс, гётыръяс,  
Частөджык ті гижөй.

Татчө тиян гижөдтор,  
Кыз награда волө.  
Генерал, боец, быд морт  
Сэки шуда лолө.

И эн вунöd, ёртöй, тэ  
Татшöмтор ён тышын:  
Туй войналөн — дженьыд зэв,  
Радейтчöмлөн — ыджыд.

Кодöс чукöстлис война,  
Сэтчö быд салдатöс  
Оти радейтана ань  
Коллис коркö татысь.

Отнас Вася Тёркин сэсь  
Коллис сöмын ортсö,  
Отсавны ог вермы ме,  
Жалита кöть мортсö.

Эз на некор сылөн ки  
Кутлы нывлысь кияс.  
И ме тшöкта: нывъяс, тi  
Радейтöй вай сийöс.

Тiян кажитчöны тан  
Конникъяс, пилотъяс.  
Но, ме думысь, медся шань  
Матушка-пехота.

Мый кöть конниклөн эм вöv,  
Самолёт — пилотлөн,  
Но медводзын, зэр кöть тöv,  
Восьлавлö пехота.

Мед кöть варов морт танкист,  
Бойö мөдас кодыр,  
Отнас водзланьö оз письт —  
Отсавлö пехота.

Мед кӧть пельк артиллерист  
Боевӧй расчӧтын,  
Сылы пискӧдлӧ туй визь  
Бара жӧ пехота.

Медся варов сылӧн ки,  
Гӧгӧр слава кылӧ.  
Нывъяс, мелӧджыка тӧ  
Видзӧдлӧй сы вылӧ.

Мортыс тайӧ молодеч.  
Сьӧлӧмсьыныд муслун  
Сетӧй сылы, нэм чӧж мед  
Радейтчӧм оз куслы.

\* \* \*

(А. Твардовскийлөн кывбур)

Муна ме и радуйтча. Мем кокни.  
Зэрыс кобис. Дзирдалö веж луд.  
Тәнö ме эг аддзыв и ог помнит,  
Менам ёртöй, менам тöдтöм друг.

Ог тöд, көн тэ усин, кутшöм венын,  
Но тэ пунктін шудным вöсна юр,  
Мед страна, ас чужан муыд тэнад  
Вöлі нöшта кыпыд, мича, бур.

Тувсов ру со кыпöдчö ыб весьтын.  
Муна ме, оз личмунлы кок сөн.  
Йыла чаль сиреньлысь киö босьтлі  
И ог тöд — бөр уськөдсьöма көн...

Но тэ, друг, эн элясь вай сы вöсна,  
Мый тэ куйлан, а он сьыв да ов.  
Öд ме ачым дзик жö тэ моз кöсья  
Тайö олөм понда сетны лов.

## ТУЙЫН

Быттьö повзьöдчö: зэв ылысь  
Шумөн локтö зэр.  
Зумыштчöмөн шысö сылысь  
Кывзö пемыд вөр.

А ме содті, содті воськов,  
Гортлань муні пыр.  
Муса нывлы сьölөм восьтны  
Кöсийссьö нин дыр.

Ылын велöдчи ме кодыр,  
Вит во тайö дум  
Эз и вежсьыв. Муслун содіс,  
Кыдзи зэрлөн шум.

Зэрыс сувтсөн кисьтö-кисьтö.  
Кисьтö кө и — мед!  
Морös пытшкö войт эз письт тай,  
Сьölөмöй эз лэдз.

Сявкйö-кötödö... Ме водзö  
Муна, быттьö сэн  
Көнкö матын, кыдзи кодзув,  
Нылыс югзьö мен.

## МУСАЛЫ

Эг аддзылөй кор өта-мөдөс,  
Дум менам сэк на вөлі төдө,  
Мый паныдала тэ кодь мортөс —  
Нэм кежлө сьөлөмбердса ёртөс.  
Сідз мөвлавлі: став нывъяс пиысь  
Көть кытысь корся сөмын сійөс,  
Код, гашкө, абу вывті мича,  
Но видзөдлас ме вылө сідзи,  
Мый пыр жө сьөлөм доймас сэки  
И оз бурд сійө сэссия некор.  
Сідз нөшта думайтлі, мый сійө  
Сюсь вежөра да тэрыб киа,  
Код некор некытчө оз йөрмы  
И оз куж кыв джын весиг сөрны;  
Лөкторийысь шуас мортлы стрөга,  
Но регыд бурасяс, оз лөгав...  
Став бурсө, олігөн мый колө,  
Ме аддзи тэысь и со ола  
Ме тэкөд, кызди медбур ёрткөд,  
Оз, нинөм миянөс оз торйөд.

## ТОРЪЯВЛГОН

Тә өні сән, көн ызгө море,  
А ме,— көн шывгө Эжва ю.  
Но төда: сьолөмъясным дорө  
Оз сибав некутшөм лөк ру.

И тайө эскөмыс мен воис  
Эз прөстө сідз, кызд сувтө лун.  
Сы вылө ковмисны дзонь вояс,  
И войяс, вошлө кодыр ун.

Өд муслун өта-мөдлы сетсьө  
Оз сідз, кызд керка: пыр да ов.  
Сідз овлө: кытшовтан став светсө,  
И сэк он аддзы на любов.

Ме тәнө сідз жө корси, корси,  
И кодыр паныд сюрин мен,  
Сэк весиг шөпкөдчысь кызд дорө  
Ме тәнө вежөктышти сән.

Том кыддзыс кодь жө мича, статья,  
Сы дорын сулалін тә чөв.  
Лөз дзоридз сера еджыд платтьө  
Тә вылысь павкйө вөлі төв.

Тадз чужис муслун, но сы бөрын  
Тә дінө писькөдчи на дыр,  
Кызд быттө шөйти тшөкыд вөрын,  
Кыт лоө туйтөг мунны пыр...

Но öнi, сьöлөмшөрöй, тайöс  
Ме прöстö казытышти нин сiдз.  
Öд миян муслун сьөрсьыс вайис  
Пöсь дружба — томлуныслысь мич.

И буретш торъявлiгөн, öнi  
Ме гөгөрвои сылысь вын,  
Мый мед көть лолам тэкöд көнi,  
Оз овалы сьöлөм миян кын.

\* \* \*  
Кор на морт оз гөгөрво,  
Он шу нинөм ичөтлы..  
Мыйла некор, муса зон,  
Ме вылө он видзөдлы?

Эн тэ яндысь, эн тэ пов,  
Мый ме збоя гажөдча.  
Ог өд көнкө бокын ов,  
Кор тэ меным кажитчан.

Мөд сям меным, дерт, оз чуж,  
Быдтор шула веськыда.  
Олөм вылас ме ог куж .  
Видзөднысө веськодя.

Прөстө восьті өні ме  
Тэныд ассьым сьөлөмөс,  
Эн на төдлы, гашкө, тэ,  
Кутшөм ныв ме вөлөма.

Сэсса ачылд решит, зон,  
Тэ өд абу ичөт нин..  
Ог кө сьөлөм вылад во,  
Колөкө, эн видзөдлы.

Эрд вылын ӧтнас  
Быдмӧ со пожӧм —  
Шаввидзӧ лыскыс  
Зэв уна вожӧн.

Корсюрӧ тӧв ныр  
Сы кузя кучкӧ,  
Быттьӧкӧ орсӧн  
Мый вынсьыс жвучкӧ.

Юр весьтас гым шы  
Йиркнитлӧ скӧрысь..  
Сӧмын тай сылӧн  
Век ӧткодь серыс.

Сулалӧ сідзи,  
Быттьӧ сэн сійӧс  
Кутӧны увсянь  
Вынйӧра кияс.

Сы дорын менам  
Гӧрддзасис муслун,  
Коді со ӧнӧдз  
Ломзьӧ, оз куслы.

Тыдалӧ, менам  
Муслунлӧн вужйыс  
Пожӧмыс кодь жӧ  
Крепыдӧн чужис.

## ТЭ, ЁРТӨЙ, БУРА ТӨДАН..

Тэ, ёртөй, вывті бура төдан  
Ас мелі Музавдылы дон,  
Вай висьтав: гижөм кузя рөдөн  
Тэ менө лыддян али он?

Быд лунъя чувствоястө стихө  
Тэ некор мырдысьөн он сүй,  
Кор наон сьөлөм тырө дзикөдз,  
Сэк сөмын восьтан налы туй.

Збой варов шыён быттьө письтө  
Лым эшкын улысь тувсов шор,  
Стих тэнад сідз жө киссьө, киссьө,  
Оз дзугсьыв весиг рифма гор.

А өні видзөдлам вай менө...  
Оз, стихөй тэнад моз оз чуж,  
Кор воас кыськө вдохновенье,  
Ме ньөти виччысьны ог куж.

Кыз быттьө кодкө менө йөткө,  
Виль олөм бөрся вөтчигмоз,  
Вом менам дугдивлытөг шөпкө,  
Пыр сүйсьө рифмаө колхоз.

Сідз чайтсьө: аслам тэрыб стихөн  
Ме талун отсалышта тшөтш  
Ас йөзлы шудсө дорны сиктын,  
Көн төдса мем быд ёль, быд көдж.

Но сэк жö думöй менам полö,  
Мый стихöй оз на ставнас сидз  
Йöз сьöлөмъясö, бокын лолö...  
И тэнсьыд юала ме сидз:

Стрөг ёртöй, зэв öд бура төдан  
Тэ аслад Музаыдлы дон,  
Вай висьтав: гижөм кузя рөдөн  
Тэ менö лыддян али он?

\* \* \*

Мем овны, овны сюрö сәни,  
Мый йылысь коркö пöся зэв  
Том йöзкөд сёрни нуис Ленин,  
И быдөн кывзис сийöс чöv.

Но век жö сийö югыд кадсö  
Ме прöстö виччысьны ог кут,  
Кöть эськö сьöлөм талун рад со  
Сы кадлысь аддзыны став шуд.

Öд тайö олан дыр, кызд тöдам,  
Оз кыськö енэж вывсянь усь.  
Ми сэтчö сэк на мунны мөдiм,  
Кор чайтлiм: туйыс лоö кузь.

А öнi матысмö нин сийö,  
Сы дiнöдз колис лыда во...  
Вай, сiдзкö, зэвтламöй ми кияс,  
Мед юргас удж, кызд торжество.

Тэ талун войнас лыддин стих,  
 А югдандорыс өтнад дзик  
 Тэ шойтан... Ывлаыслөн мич  
 Эз некор кажитчыв на сідз!  
 И ылын лөзалысь веж вөр,  
 И асья сынөдыслөн көр,  
 И дзольгысь лэбачьяслөн гор,  
 И лысва войтөн югзьысь кор,—  
 Дзик ставыс, ставыс мусмас тэд,  
 И ачyd лолан сэк поэт.

## АБУ ТАДЗ

(С. Маршак серти)

Мый көть сямтөм морт оз вөч,  
Нинөмтор оз артмы стөч.  
Свадьба гримөдө туй вывти —  
Колө йөктыны да сывны,  
Но сэк өтнас сямтөм морт  
Шогсьө, кисьтө синва шор.  
Мир туй кузя вөла кыссьө,  
Кулөм мортлысь гортсө кыскө.  
Сямтөм дзоргө:— Мый нө тайө?  
Зэв тай жугыль войтыр. Найөс,  
Часлы, гажөдышта ме,  
Кокныс зеля вөрас мед!  
Ки пыдөснас воча кучкис,  
Кокнас муө зымгис лючки,  
Да кыз йөктыны сэк мөдис —  
Здукысь здукө ёнджык өддзис!  
Йөзыд кватитисны сийөс —  
Песлөдлісны кокъяс, кияс,  
Сэтчөдз нөйтисны быд ног —  
Одва ловйөн нуис кок.  
Тайө лунсянь сямтөм тани  
Ветлө пөльтчөм чужөмбанөн.  
Оз нин бөрд да йөкты сийө,  
А став вылас өвтө киөн.  
Вурсысь мичаа зэв вурө,  
А сапожник — сыысь бура.

Сямтём таысь оз ло рад,  
Пыр век дольо:— Абу тадз!  
И оз тадз ков чери кыйны,  
И оз тадз ков пётка лыйны,  
И оз тадз ков посьяс вöчны,  
И оз тадз ков гөрны-көдзны!  
Йöзыс аддзö, йöзыс кылö,  
Сямтём воö кыз на вылö,  
И сідз думайтлöны найö:  
— Аттö, сяма жö морт тайö!

## ТИМОША

Ышнясьысь-пушнясьысь  
Кыйсьысь Тимошалөн  
Кывйыс да делöйс  
Лэбын моз вожалö.

Со сийö тэрыба  
Шавксьödö вөрö.  
Мышкыс оз саяв —  
Сиктын нин сөрö.

Юасьны кутан кө,  
Мый сылы сюрис,  
Сийö тэд висьталас  
Пу йылысь тури.

Некор оз лэдз  
Асьсö пуктыны улö,  
Кыйтём на дозмöрысь  
Шыд сийö пулö.

Ышнясьысь-пушнясьысь  
Кыйсьысь Тимошалөн  
Кывйыс да делöйс  
Лэбын моз вожалö.

## ДЖЕНЬЫДИК БАСНЯЯС

### ПЕТУК

Кольк пытшкысь Петук ӧтчид петіс  
И пыр ас йывсьыс тӧдны сетіс:  
Мам дінсьыс пышйис-муніс ылӧ  
Да бордтӧг зілис качны ылӧ.  
Зэв вӧлі, видзӧдан да, збой,  
И быдӧн шуліс:— Вот герой!  
Но регыд сідзи сәсся лоис —  
Том Петук мяян пикӧ воис:  
Ва гӧптӧ чеччыштӧма — тювк,  
И юрыс ләччысьӧма — шлювк.

### КӦЧ

Кӧть мый оз вӧч,  
Век овлӧ серам туйын Кӧч.  
Кӧч тринькъялігтыр ӧтчид  
Мый вынсьыс чепӧсйис да ӧддзис,  
И плешнас пуӧ  
Инмис — татш,  
А сәсся муӧ  
Усис  
Гатш.

## КӨК

Көк олө сідз:  
Ас дінас весиг пиянсө оз видз,  
Мед сөмын аслас кынөм  
Пөт вөлі —  
Оз төд сәсся нинөм.

## ЛӨДЗ

Жар лунө петкөдчывлө кыськө  
Веж Лөдз да быдөн вылө ызгө.  
Но мыйөн сөмын кучкас көдзыд —  
Бөр дзедбяс Лөдзыд.

## КӨЗА

Көза ассьыс ныр  
Вылын кутө пыр,  
Некод сійөс бертны  
Асланьыс оз вермы.  
Быд ног эськө сійөс  
Велөдывлө пөчө,  
Но оз өвссы Көза,  
Пыр век ас ног вөчө.

## КЛЮЧ ДА ТЫ


— Тэ дзикөдз сьөдмөдін нин пельөс,—  
Нюйт пытшкысь кывсис Тылөн гөлөс,—  
Пыр сяльган-сьылан, визув Ключ,  
Он ланьтлы весиг өти сутш..  
— Зэв тешкодь кывны татшөмтор,—  
Ключ сәки вочавидзис Тылы,—  
Он төд тэ, вөлөм, менсьым гор.  
Му пытшті писькөдча ме ылысь,  
Быд крепид излысь вынсө кыла,  
И сійөн долыда ме сьыла.

## ЮРИНДАЛЫСЬ

«Кузь козйё» . . . . .	3
Отчизна весьтёд . . . . .	4
Ыджыд пример . . . . .	5
«Эськё вермис кё» . . . . .	6
Чужан сикт . . . . .	7
Батьлён му . . . . .	8
«Мамлён синваыс, шуоны, матын» . . . . .	12
«Кутшөмджык тэнад сямыд» . . . . .	13
«Қор война вылө мөдөдчис бать» . . . . .	14
Миян туй . . . . .	15
Выль воё вуджигөн . . . . .	16
Пушкинлэй памятник . . . . .	17
Өти ёртлы . . . . .	18
Коммунист-ветеран . . . . .	19
«Тайё лөнь мича рытё» . . . . .	20
Вокё . . . . .	21
Ачыл абу кё лёк... . . . .	23
Кык гөгыль . . . . .	24
Ас йылысь мый ме висьтала? . . . . .	25
Серпас . . . . .	27
«Думышти ме, ёртгяс» . . . . .	28
Гожся асыв . . . . .	29
«Төда ме, суюй» . . . . .	30
Тайё мортсё төді пыр . . . . .	31
Тувсов рытё . . . . .	33
Льом пу . . . . .	34
«Сьёкыл артыштнысё стөча» . . . . .	35
«Кымөр сувтис парма весьтё» . . . . .	36
«Рутшка-ратшкакывны пондіс» . . . . .	37
Вой төв . . . . .	38
Бөр лэбзьёны лэбачьяс ылө . . . . .	39
Радейтчөм йылысь . . . . .	41
«Муна ме и радуйтча» . . . . .	47

Гуйын . . . . .	48
Мусалы . . . . .	49
Торъявлігөн . . . . .	50
«Кор на морт оз гөгөрво» . . . . .	52
«Эрд вылын өтнас» . . . . .	53
Тэ, ёртёй, бура тодан... . . . .	54
Мем овны, овны сюрё сәні . . . . .	56
«Тэ талун войнас лыддин стих» . . . . .	57
Абу тада . . . . .	58
Тимоша . . . . .	60
Дженьыдик басняяс . . . . .	61

269M



*Борис Александрович Палкин*

## ОТЧИЙ КРАЙ

Сборник стихов  
на коми языке

Оформление С. А. Холоцова

Редактор *В. А. Попов*

Техн. редактор *И. И. Оплеснин*

Сдано в набор 22|IX-1961 г. Подп. к печати 3|XII-1961 г. 70 × 92<sup>1</sup>/<sub>32</sub>

1,0 бум. лист. 2,34 печ. лист. (Уч.-изд. лист. 1,7). Тираж 1000.

Заказ № 3282. Ц01652. Цена 9 коп. Коми книжное издательство.  
Дом печати.

г. Сыктывкар, Республиканская типография Полиграфиздата  
Министерства культуры Коми АССР



9 коп.

КОМИ КНИЖНОЙ ИЗДАТЕЛЬСТВО • 1961